



六朝詩集卷之一

雙

雙

慈谿張謙彙集

義烏王宗聖增彙

姑蘇陸師道校正

咏玉泉宿歸芬

周詩

風暉明帝

坐石巖山還舊宮

玉燭調秋氣金輿歷舊宮
還如過白水更似入新豐
秋潭清晚菊寒井落踈桐
舉杯延故老今聞歌大風

招隱士逍遙公韋夔

六爻貞遯世三辰光少微穎陽讓逾遠滄洲去不歸
坐石窺仙洞乘槎下釣磯嶺松千仞直巖泉百丈飛
風動秋蘭佩香飄蓮葉衣聊登平樂觀遙想首陽薇
詎能同四皓來叅余萬幾

和王褒詠摘花

玉椀承花落花落椀中芳酒浮花不沒花含酒更香

趙王招

從軍行 七言

遼東烽火照甘泉薊北亭障接燕然水凍菖蒲未生
節關寒榆葉不成錢

王褒

溫泉

四言
碑銘

搃此溫泉驪丘之陰白巖上徹丹砂下沉華清駐老
飛流瑩心谷神不死川德愈深

詠霧應詔

七條開早陌五里暗朝氛帶樓疑海氣含蓋似浮雲
方從河水上預奉綠圖文

詠月贈人

月色當秋夜斜暉映薄帷上弦如半璧初魄似蛾眉
度雲光忽駛中天影更遲高陽懷許掾對此益相思

山池落日

竹館掩荆扉池光晦晚暉孤舟隱荷出輕棹染苔歸
浴禽時侶竄驚羽忽單飛

古曲

青樓臨大道遊俠任淹留陳王金被馬秦女桂爲鈎
馳輪洛陽巷鬪雞南陌頭薄暮風塵起聊爲清夜遊

塞下

一作曲
出塞

飛蓬似征客千里自長驅塞禽唯有鴈關樹但生榆
背山看故壘繫馬識餘蒲還因麾下騎來送月支圖

入塞

戍久風塵色勳多意氣豪建章樓閣迥長安陵樹高
度冰傷馬骨經寒墜節旄行當見天子無假用錢刀

明君詞

蘭殿辭新寵椒房餘故情鴻飛漸南陸馬首倦西征
寄書參漢使嚙涕望秦城唯餘馬上曲猶作出關聲

輕舉篇

天地能長久神仙壽不窮
白玉東華檢方諸西岳童
俄瞻少海北暫別扶桑東
俯觀雲似蓋低望月如弓
看碁城邑改辭家墟巷空
流珠餘舊竈種杏發新叢
酒釀瀛洲玉劍鑄昆吾銅
誰能攬六博還當訪井公

遊俠篇

京洛出名謳豪俠競交遊
河南朝四姓關西謁五侯
鬪雞橫大道走馬出長楸
桑陰徒將夕槐路轉淹留

長安道

槐衢迴北第馳道度西宮
樹陰連袖色塵影雜衣風
採桑逢五馬停車對兩童
喧喧許史座鐘鳴賓未窮

關山月

關山夜月明秋色照孤城
半形同漢陣全影逐胡兵
天寒光轉白風多暈欲生
寄言亭上吏遊客解雞鳴

陌上桑

人傳陌上桑未曉已含光
重重相蔭映軟弱自芬芳
秋胡始倚馬羅敷未滿筐
春蠶朝已老安得久彷徨

從軍行

兵書久閑習征戰數曾經講戎平樂觀學戲羽林亭
西征度疎勒東驅出井陘牧馬濱長渭營軍毒上涇
平雲如陣色半月類城形羽書封信璽詔使動流星
對岸流沙白綠河柳色青將幕恒臨斗旌門常背刑
勲封瀚海石功勒燕然銘兵勢因麾下軍圖迭掖亭
誰憐下玉筋向暮掩金屏

又

黃河流水急驄馬送征人谷望河陽縣橋渡小平津
惡少多遊俠結客好輕身代風愁櫪馬胡霜宜角筋
羽書勞警急邊鞍倦苦辛康居因漢使盧龍稱魏臣
荒戍唯看柳邊城不識春男兒重意氣無爲羞賤貧

長安有俠邪行

威紆袞斜道車騎動相喧博徒稱劇孟遊俠號王孫
勢傾魏侯府交盡翟公門路斜勞夾轂塗艱倦折轅
日斜宣樂觀春還御宿園途歌楊柳曲巷飲榴花樽
獨有遊梁客還守孝文園

飲馬長城窟行

北走長安道征騎每經過戰垣臨八陣旌門對兩和

屯兵戍隴北飲馬傍城阿雪深無復道冰合不生波
塵飛連陣聚沙平騎跡多昏昏隴底月耿耿霧中河
羽林猶角觝將軍尚雅歌臨戎常拔劍蒙險屢提戈
秋風鳴馬首薄暮欲如何

牆上難爲趨 雜體

昔稱梁孟子兼聞魯孔丘訪政聊爲述問陳豈相酬
末代多僥倖卿相盡經由臺郎百金價台司千萬求
當朝少直筆趨代皆曲鈞廷尉十年不得調將軍百
戰未封侯夜伏雍門作常伯自有蒲萄得涼州白壁
求善價明珠難暗投高牆不可踐井水自難浮風胡
有年歲銛利比吳鉤

日出東南隅行

曉星西北沒朝日東南隅陽窻臨玉女蓮帳照金鋪
鳳樓稱獨立絕世良所無鏡懸四龍網枕畫七星圖
銀鏤明光帶金地織成襦調絃大垂手歌曲鳳將雛
採桑三市路賣酒七條衢道逢五馬客夾轂來相趨
將軍多事藝夫婿好看儀高箱照雲母壯馬飾當廬
單衣火浣布利劍水精珠自知心所愛仕宦執金吾

飛薨彫翡翠繡桶畫屠蘇銀燭附彈映雞羽黃金步
搖動檐榆兄弟五日時來歸高車竟道生光輝名倡
兩行堂上起鴛鴦七十階前飛少年任俠輕年月珠
丸出彈逐難追

燕歌行

初春麗景鷲欲嬌桃花流水沒河橋薔薇花開百重
葉楊柳拂地數千條隴西將軍號都護樓蘭校尉稱
嫖姚自從昔別春燕分經年一去不相聞無復漢地
長安月唯有漠北薊城雲淮南桂中明月影流黃機

上織成文克國行軍屢築營陽史討虜陷平城城下
風多能却陣沙中雪淺詎停兵屬國少婦猶年少羽
林輕騎數征行遙聞陌頭採桑曲猶勝邊地胡笳聲
胡笳向暮使人泣還使閨中空竚立桃花落杏花舒
桐生井底寒葉疎試爲來看上林鴈應有遙寄隴頭
書

高句麗 六言

蕭蕭易水生波燕趙佳人自多傾杯覆盃濯濯垂手
奮袖婆娑不惜黃金散盡只畏白日蹉跎

入朝守門開

直城通複道嚴駕早凌晨鐵符行警曙銀檠未開闔
塹暗城無影晴新路不塵屯兵引畫劍騎吹動斑輪
徒知仰睿藻抽辭慙未伸

九日從駕

黃山獵地廣青門官路長律改三秋節氣應九鍾霜
曙影初分地暗色始成光交旆長秋坂緹幕杏間堂
射馬垂雙帶豐貂佩兩璜苑寒梨樹紫山秋菊葉黃
華露霏霏冷輕颺颯涼終慚屬車對空假侍中郎

從駕北郊

惟皇敬明祀望拜出河東地靈開複道管星發紫宮
衡街響清蹕直候起相風森沉羽林騎肅穆虎賁弓

玄圃瀆池臨汎奉和

長洲春水滿臨汎廣川中石壁如明鏡飛橋類飲虹
垂楊夾浦綠新桃綠徑紅對樓還泊岸迎波蹙守風
漁舟釣欲滿蓮房採半空於茲臨北閣非復坐墟一作

墻東

和趙王塗中作

飄飄映軍幕出沒望連旗度雲還翊陣迴風卽送師
峽路沙如月山峯石似眉村桃拂紅粉岸柳被青絲
錦城遙可望迴鞍念此詩

奉和趙王隱士

鳧鵠均長短鵬鷃共逍遙清襟蘊秀氣虛席滿風颭
斷絃惟續葛獨酌只傾瓢菖蒲九重節采薪七過燒

和從弟祐山家二首

採藥名山頂時節無春冬散雲非一色連巖異衆峰
合沓似無徑間關定有蹤山窓臨絕頂檐溜俯危松

空林鳴暮雨虛谷應朝鍾仙童時可過羽客屢相逢
若值韓衆藥當御長房龍

其二

結交非俗士仙侶自招攜少華隱日月太一尋虹霓
衆林積翠巖圍林茂成埤幽谷曙無景荒途晝欲迷
滴瀝寒泉滴叫嘯秋猿啼白雲帝鄉起神禽丹穴栖
箭篠時通徑桃李復成蹊今身得其所群物可令齊

和庾司水渭橋

東流仰天漢南渡似牽牛長堤通甬道飛梁跨造舟

使者開金堰太守擁河流廣陵候濤水荆峽望陽侯
波生從故舶沙漲涌新洲天星識辨對檢玉應沉鈎
空悅浮雲賦非復採蓮謳

和張侍中看獵

上林冬狩反回中講射歸還登宣曲觀更獵黃山圍
嚴冬桑柘慘寒霜馬騎肥縹盧隨兔起高鷹接雉飛
獨嗟遠來客辛苦倦邊衣

和殷廷尉歲暮

歲晚悲窮律他鄉念索居寂寞灰心盡摧殘生意餘

產空交道絕財殫密親疎空悲趙壹賦還著虞卿書

贈周處士

我行無歲月征馬屢盤桓峭曲三危阻關重九折難
猶持漢使節尚服楚臣冠巢禽疑上幙驚羽畏虛彈
飛蓬去不已客思漸無端壯志與時歇生平隨事闌
百齡悲促命數刻念餘懽雲生隴坻黑桑踈薊北寒
鳥道無蹊逕清漢有波瀾思君化羽翮要我鑄金丹

窮秋寄隱士

一作庾信

王倪逢齧缺桀溺遇長沮藜牀負日卧麥壠帶經鋤

自然曲木几無名科斗書聚花聊餌雀穿池試養魚
小村治澁路低田補壞渠秋水牽沙落寒藤抱樹踈
空枉平原騎來過仲蔚廬

入關故人送別

百年餘古樹千里關黃塵關山行就近相看成遠人

別陸子雲

解纜出南浦征棹且凌晨還看分手處唯餘送別人
中流搖盞影邊江落騎塵平湖開曙日細柳發新春
滄波不可望行雲聊共因

別王都官

連翩憫流客悽愴惜離群東西御溝水南北會稽雲
河橋兩隄絕橫歧數路分山川遙不見懷袖遠相聞

別裴儀同

河橋望行旅長亭送故人沙飛如軍幕蓬卷若車輪
邊衣苦霜雪愁貌損風塵行路皆兄弟千里念相親

送觀寧侯葬

蒙羽高峻極淮泗導清源邢茅廣裂地附萐盛開蕃
紛綸彤艫彩從容瓊玉溫衝飈搖柏幹烈火壯曾崑

疇昔同羈旅辛苦涉涼暄觀風方聽樂垂淚遽傷魂
造舟虛客里高閨掩賓垣桂樹思公子芳草惜王孫
今晨向郊郭猶似背輟輶丹旆書空位素帳設虛樽
楚琴南操絕韓書舊說存西靡傷新樹東鄰惜故園
自憐悲谷影彌愴玉關門餘暉盡天末夕霧擁山根
平原看獨樹臯亭望別村寂寥還蓋靖荒茫歸路昏
挽鐸已流唱歌童行自喧騰言千載後誰將遊九原

送劉中書葬

昔別傷南浦今歸去北邙書生空託夢久客每思鄉

寒近邊雲黑塵昏野日黃陵谷俄遷變松柏易荒涼
題銘無復迹何處驗龜長

渡河北

秋風吹木葉還似洞庭波常山臨代郡亭障遶黃河
心悲異方樂腸絕隴頭歌薄暮臨征馬失道北山阿

凌雲臺

高臺懸百尺中夕殊未窮北臨酸棗寺西眺明光宮
城旁抵雙府林裏對相風書題鹿盧榜觀寫飛廉銅
窓開神女電梁映美人虹虞捐濫天寵鄭督特懷忠

莊生垂翠釣昭儀抵闔熊馳輪有盈缺人道亦汗隆
還念西陵舞非復鄴城中

始發宿亭

送人亭上別被馬櫪中嘶漠漠煙村起離離嶺樹齊
落星侵曉沒殘月半山低

過藏矜道館

松古無年月鷓去復來歸石壁藤爲路山窓雲作扉

明慶寺石壁

夏水懸臺際秋泉帶雨餘石生銘字長山久谷神虛

雲居寺高頂

中峯雲已合絕頂日猶晴邑居隨望近風烟對眼生

彈碁

投壺生電影六博值仙人如何鏡奩上自有拂輕巾
隔澗疑將別隴頭如望秦握筆徒思賦辭短徑無陳

看闔雞

蹊蹠始橫行意氣欲相傾妬敵金芒起猜群芥粉生
入場疑挑戰逐退似追兵誰知函谷下人去獨開城

詠鴈

何朝聞曙響如隴有春暈豈若雲中鴈秋時塞外歸
河長猶可涉海濶故難飛霜多聲轉急風踈行屢稀
園池若不至不復怯虞機

詠定林寺桂樹

歲餘彫晚葉年至長新園月輪三五映烏生八九飛

劉端

和初春宴東堂應令

睿賞叶春芳開筵臨畫堂庭梅開早素簷柳變初黃
八珍羅玉俎九醞湛金觥筆響流飛閣歌塵落妓行

何必西園夜空承明月光

蕭撝

和梁陵王遙望道館

神境流精闕仙居紫翠房合有尋真地邈迤麗通莊
九柱含虬重三臺飾夜光金輝碧桃海玉笈紫書方
拂筵青鳥集吹簫白鳳翔履歸堪是燕石在詎非羊
烟霞四照葉風月五名香於茲喜臨眺願得假霓裳

上蓮山

獨邁青蓮嶺超奇紫蓋峰挂流遙似鶴挿石近如龍

沙崩聞韻鼓霜落候鳴鍾飛花滿叢桂輕吹起脩筇
石蒲今尚有採摘更相逢

孀婦吟

寒夜靜房櫳孤妾思偏叢悲生聚紺黛淚下浸妝紅
蓄恨縈心裏含啼歸帳中會須明月落那忍見牀空

勞歌

百年能幾許公事罷平生寄言任立政誰憐李少卿
日出東南隅行

昏昏隱遠霧團團乘陣雲正值秦樓女含嬌酬使君

宗羈

登渭橋

仲山朝飲馬還坐渭橋中南瞻臨別館北望盡離宮
四面衣裾合三條冠蓋通蘭香想口季雲起憶成公
圯上相知早鷄鳴幸共同

荀濟

贈陰涼州

副尉西域返伏波南海還坎壈多構難鬱快少騰遷
孰云功未立寧是契不全直爲逢逸寡良由聽受偏

若人本高絕芳馥邁蘭荃驅車趨坂折匡坐酌貪泉
洗憤豈虛唱席皮良信然群醉嫉孤醒衆唾恐獨妍
龍旗翻委鬱鷓軸更迴遑鴟勢終橫海鵬力會冲天
昔余遇知己一面深千祀紆人重結襪辱德逾過市
詩酒悅風雲琴歌賞桃李淹留漢水曲契濶渝川涘
結綬惟貢公推名實鮑子徒然懷伏劍終無報國士
高懷不可忘劍意何能已已作金蘭契何言雲雨別
咄嗟改容髮俄頃彌年歲海曲窮地表江源渺天際
雲泥已殊路暄涼詎同節柳絮亟如絲梅花屢成雪

月落桂陰遠風起萱條結鶴舞想低昂鴟絃夢清切
聞君戍靈關瓜時猶未還數汎明月沼頻遊尚日灣
金碧應髣髴輪鏡幾登攀復承西歸後將兵出湖口
經過道路長往來日月久玉體何容歇金漿故應有
陽臺可讌私章華堪置酒旣彈趙人瑟復擊秦人缶
缶瑟多奇調秦趙饒姝妙得意在雙眸傾城猶一笑
伯喈恩實早十柱天終少歿等盛姬傷存同魏車照
君子篤久要宿昔盛賓僚依依集鱗羽眷眷共枝條
一朝限歧路萬里異波潮容儀雖眇眇夢想尚昭昭

新人不相識故人詎相憶杳杳間山川迢迢阻音息
各附青雲遠鉅假排虛力風月接歡宴酒醴承顏色
安知慕儔者潺潺涕沾軼僕本不平人悲愁眉亦頰
年來空自老歲去不知春未能全體命于中欲問津
五噫如適越十上似遊秦肌膚積霜露膂力倦風塵
烏裘日日故白髮朝朝新人生感意氣相知無富貴
懷趙實廉頗思燕唯樂毅大選咆咻士廣募嫖姚尉
睽只比刀環瞻星看劍氣郢路一迢遠長楸幾欷歔
渤澥水尚寬崦嵫日猶未丈夫志四海兒女多辭費

待余濟河洛從君宿清渭

徐謙

短歌行

窮通皆是運榮辱豈關身不願門前客看時逢故人
意氣青雲裏爽朗煙霞外不羨一囊錢唯重心襟會

宗懔

昨暮春風起今朝春氣來鶯聲一兩轉花樹數重開
散粉成初蝶剪綵作新梅遊客傷千里無暇上高臺

春望

日暮春臺傍徙倚愛餘光都尉新移棗司空始種楊
一枝猶桂馥十步有蘭香望望無萱草忘憂竟不忘

七夕

盈盈河水側朝朝長嘆息不吝漸衰若波流詎可測
秋期忽云至停梭理容色束衿未解帶迴鑿已沾軾
不見眼中人誰堪機上織願逐青鳥去暫因希羽翼

和歲寒首望

旅騎出平原鉦鏡遍野喧接里開都邑連車駐小門

稻車廻故塢獵馬轉新村古磧空戴石山龕未上旛
所言眷不至未有桃花源

麟趾殿詠新井

當爲醴泉出先令浪井開銅新九龍殿石勝凌雲臺

宇文景

陪駕幸終南山

堯蓋臨河穎漢蹕踐華嵩日旌廻北鳳星旆轉南鴻
清道過宣曲先驅背射熊金桴拂泉底玉琯吹雲中
古轍稱難極新途或易窮煙生山欲盡潭淨水恒空

交松上連霧修竹下來風仙才道無別靈氣法能同
東棗羞朝座西桃獻夜宮詔令王子晉出對浮丘公
宇文道

至渭源

渭源奔禹穴輕瀾起客亭淺淺平聲滿澗響蕩蕩竟川
鳴湍生稱運石馮子聽波聲斜去臨天半橫來對始
平合流應不雜方知性本清

僧

尚法師

飲馬長城窟行
長城征馬度橫行且勞群入冰穿凍水飲浪聚流文
澄鞍如清月照影若流雲別有長松氣自解遂將軍

童謠

周初童謠

白楊樹頭金雞鳴祗有阿舅無外甥

周宣帝歌

自知身命促把燭夜行遊
六朝詩彙卷之一百一

六朝詩彙卷之二

自吹其命

周宣帝郊

自然憐與金

童童

童童

劉焯

身如玉

效

六朝詩彙卷之一百二

周詩

庾信

周祀圓丘歌

昭夏樂

降神
七言

重陽禋祀大報天
丙午封壇肅且圓
孤竹之管雲和
絃神光來下風肅然
王城七里通天臺
紫微斜照影徘徊
連珠合璧重光來
天策暫轉鈞陳開

皇夏樂

皇帝入
門四言

六朝詩彙卷之二

旌迴外壇蹕靜郊門千乘按轡萬騎雲屯籍茅無咎
掃地唯尊揖讓展禮衡璜節步星漢就列風雲相顧
取法于天降其永祚

昭夏樂 延入

日至大禮豐犧上辰牲牢脩牧繭栗毛純俎豆斯立
陶匏以陳大報反命居陽兆日六變鼓鍾三和琴瑟
俎奇豆偶惟誠惟質

又奠玉帛

圓玉已奠蒼幣斯陳瑞形成象璧氣含春禮從天數

智總圓神為祈為祀至敬咸遵

皇夏樂 升壇

七里是仰八陛有憑就陽之位如日之升思虔肅肅
致敬繩繩祝史陳信玄象斯格惟類之典唯靈之澤
幽顯對揚人神咫尺

雲門舞 獻配帝

獻以誠鬱以清山壘舉沈齊傾惟尚享洽皇情降景
福通神明

又

長丘遠歷大電遙源弓藏高隴鼎反一作寒門人生
于祖物本于天其神配德迄用康年

登歌 三言

歲之祥國之陽蒼靈敬翠雲長象為飾龍為章乘長
日坏蟄戶裂雲漢迎風雨六呂歌雲門舞省滌濯奠
牲牲鬱金酒鳳凰樽迴天睠顧中原

皇夏樂 飲福四言

國命在禮君命在天陳誠唯肅飲福唯虔洽斯百禮
福以千年鈞陳掩映天駟徘徊彫禾飾竿翠羽承壘

受斯茂祉從天之來

雍樂 三言

禮將畢樂將闌迴日轡動天關翠鳳搖和鸞響五雲
飛三步上風為馭雷為車無轍迹有烟霞暢皇情休
靈命雨留甘雲餘慶

皇夏樂 望燎四言

六典聯事九司咸則率由舊章于焉允塞掌禮移次
燔柴在焉煙升玉帛氣歛牲牲休氣馨香管芳昭晰
翼翼虔心明明上徹

又還便
玉帛禮畢神人事分嚴承乃瞻瞻仰迴雲輦路千門
王成九軌式道移候司方迴指得一惟清於萬斯寧
受茲景命于天告成

周祀方澤歌

昭夏樂

四言

報功陰澤展禮玄郊平琮鎮瑞方鼎升庖調歌絲竹
縮酒江茅聲舒鐘鼓器質陶匏列耀秀華凝芳郁荔
川澤茂祉陵谷榮衛雲飾山壘蘭浮汎齊日至之禮

歆茲大祭

又

曰若厚載欽明方澤敢以敬恭陳之玉帛德包含養
功存靈迹斯箱既千子孫則百

登歌

質明孝敬求順陰陽壇有四陛琮分八方牲牲蕝蕝
蕭合馨香和鑿戾止振鷺來翔威儀簡簡鐘鼓喤喤
聲和孤竹韻入空桑封中雲氣坎上神光下元之主
功深蓋藏

皇夏樂

司筵撤席掌禮移次迴顧封壇恭臨坎位瘞玉埋俎
藏芬歛氣是曰就幽成斯地意

周祀五帝歌

皇夏樂

嘉玉惟芳嘉幣惟量成形惟禮稟色隨方神班其次
歲禮惟常威儀抑抑率由舊章

又

惟令之月惟嘉之辰司壇宿設掌史誠陳敢用明禮

言功上神鈞陳旦闡閭闔朝分旒垂象冕樂奏山雲
將迴霆策暫轉天文五運周環四時代序鱗次玉帛
循迴樽俎神其降之介福斯許

青帝雲門舞 三言

甲在日鳥中星禮東后奠蒼靈樹春旗命青史候鴈
還東風起歌木德舞震宮泗濱石龍門桐孟之月陽
之天億斯慶兆斯年

配帝舞 四言

帝出于震蒼於德神其明在日其位居春勞以定國

功以施人言從配祀近取諸身

赤帝雲門舞 七言

招搖指午對南宮日月相會實沉中
離光布政動溫風純陽之月樂炎情
赤雀丹書飛送迎朱紘絳鼓聲
虔誠萬物含養各長生

配帝舞 四言

以炎為政以火為官位司南陸享配離壇
三和實俎百味浮蘭神其茂豫天步艱難

黃帝雲門舞 五言

三光儀表正四氣風雲同戊巳行初曆
黃鍾始變宮平琮禮內鎮陰管奏司中
齋壇芝曄曄清野桂馮馮夕牢芬六鼎
安歌韻八風神光乃超忽佳氣恒葱葱

配帝舞

四時咸一德五氣或同論猶吹鳳凰管
尚對梧桐園罷園居士厚位總配神尊始
知今奏樂還用我雲門

白帝雲門舞 四言

肅靈兌景承配秋壇雲高木落露白蟬
寒帝律登年金精行令瑞獸霜耀祥禽雪
映司藏肅殺萬寶咸宜

厥田上上收功在斯

配帝舞

金行秋令白帝朱宣司正五雉歌庸九川執文之德
對越彼天介以福祉君子萬年

黑帝雲門舞

六言

北辰為政玄壇北陸之祀員官宿設玄璜浴蘭坎德
陰風御寒吹律將迴窮紀微陽欲動細泉管猶調于
陰竹聲未入于春絃待歸餘于迭曆方履慶于斯年

配帝舞

三言

地始坼虹始藏服玄玉居玄堂沐蕙氣浴蘭湯匏器
潔水泉香陟配彼福無疆君欣欣此樂康

周宗廟歌

皇夏樂

四言

肅肅清廟巖巖寢門歌器防滿金人戒言應棟懸鼓
崇牙樹羽階變升歌庭紛象舞閑安象設緝熙清奠
春鮪初登新萍先薦僂然入室儼然在位悽愴履之
非寒之謂

昭夏樂

永維祖武潛慶靈長龍圖革命鳳曆歸昌功移上塲
德耀中陽清廟肅肅猛虜煌煌曲高大夏聲和盛唐
牲牲蕩滌蕭合馨香和鑾戾止振鷺來翔永敷萬國
是則四方

皇夏樂

年祥辨日土協龜言奉酬承列來庭駿奔雖禾飾竿
翠羽承樽敬殫如此恭惟執燔

又
五言

慶緒千重秀鴻源萬里長無時猶戢翼有道故韜光

盛德必有後仁義終克昌明星初肇慶大電久呈祥

皇夏

克昌光上烈基聖穆西藩崇仁高涉渭積德被居原
帝圖張往迹王業茂前尊重芳德陽廟疊慶壽陵園
百靈光祀武千年福孝孫

其二

雄圖屬天造宏畧邁羣飛風雲猶聽命龍躍遂乘機
百二當天險三分拒樂推函谷風塵散河陽氛霧晞
濟弱淪風起扶危頽運歸地紐崩還正天樞落更追

原祠乍超忽畢壠或綿微終封三尺劍長卷一戎衣
其三 四言
月靈興慶沙祥發源功參禹迹德贊堯門言容典禮
禴狄徽章儀形溫德令問昭揚日月不居歲時晷晚
瑞雲纏心闕宮唯遠

其四 五言

龍圖基代德大步屬艱難謳歌還受瑞揖讓乃登壇
升輿芒刺重入位據闕寒卷舒雲况濫游揚日浸微
出鄭終無反居桐竟不歸祀夏今唯舊尊靈謚更追

其五

若水逢降君窮桑屬唯政丕哉馭帝錄鬱矣當天命
方定五雲宮先齊八風令文昌氣似珠太史河如鏡
南宮學已開東觀書還聚文辭金石韻毫翰風颺豎
清室桂馮馮齋房芝詡詡寧思玉管笛空見靈衣舞

其六

南河吐雲氣北斗降星辰百靈咸仰德千年一聖人
書成紫微動律定鳳凰馴六軍命西土甲子陳東隣
戎衣此一定萬里更無塵烟雲同五色日月並重輪

流沙既西靜蟠木又東臣凱樂聞朱鴈饒歌見白麟
今爲六代祀還得九疑賓

其七 四言

禮殫裸獻樂極休成長離前揆宗祀文明縮酌浮蘭
澄壘合鬯磬折禮容旋廻靈貺受釐撤俎飲福移樽
惟光惟烈文子文孫

其八

庭闕四始筵終三薦顧步堦墀徘徊餘莫六龍矯首
七萃警途鼓移行漏風轉相烏翼翼從事綿綿四時

惟神降嘏永言保之

周大禘歌

昭夏樂

律在夾鐘服居蒼衮杳杳清思綿綿長遠就祭于合
班神于本來庭有序助祭有章樂舞六代賓歌二王
和鈴以節儵革斯鏘齊宮饌玉鬱掌浮金洞庭鐘鼓
龍門瑟琴其樂已變惟神是臨

登歌

神惟顯思不言而令玉帛之禮敢陳莊敬奉如弗勝

薦如受命交于神明愨于言行

周五聲調曲

宮調曲

氣離清濁割元開天地分三才初辨正六位始成文
繼天爰立長安民乃樹君其明廣如日其澤厚如雲
惟昔我文祖撥亂拒謳歌三分未撫運八百不陵河
禮敷天下信樂正神人和風塵行息警江海欲無忤

其二

我皇承下武革命在君臨應圖當舜玉嗣德受堯琴

沈首多推運陽城有讓心就日先知遠觀淵早見深
玄精實委御蒼正乃皆平履端朝萬國年祥慶百靈
玉帛咸觀禮華戎各在庭鳳響中夷則天文正玉衡
皇基自天保萬物乃由庚

其三

握衡平地紀觀象正天樞祺祥鍾赤縣靈瑞炳皇都
更受昭華玉還披蘭葉圖金波來白兔弱水下蒼烏
玉斗調元協金沙富國租青丘還擾圃舟穴更巢梧
安樂新成慶長生百福符

其四

明明九族序穆穆四門賓陰陵朝北附蟠木引東臣
澗途求板築溪源取釣綸多士歸賢戚維城屬茂親
貴位連南斗高榮據北辰迺推策司職且班神
日月之所照霜露之所均永從文軌一長無外戶人

其五

鬱盤舒棟宇崢嶸侔大壯拱木詔林衡全模徵梓匠
千櫨綺翼浮百拱長虹抗北去邯鄲道南來偃師望
龍首載文棍雲楣承武帳居者非求隘卑宮豈離尚

壯麗天下觀是以從蕭相

變宮調

帝遊先出震君明擅在離巖廊唯眷顧欽若尚無爲
龍穴非難附鸞巢欲可窺具茨應不遠汾陽寧足隨
烝民播植重溝洫劬勞多桑林還注雨積石遂開河
明徵逢永命平值秩年和更有薰風曲方聞晨露歌

又

移風廣軒曆崇德盛唐年成文興大雅出豫動鈞天
黃鍾六律正閭闔八風宣孤竹調陽管空桑節雅絃

舞林鸞更下歌山鳳欲前聞音能辨俗聽曲乃思賢
感物觀治化存心防未然君子得其道太平何有焉

商調曲

雜體

君以宮唱寬大而謨明臣以商應聞義則可行有熊
爲政訪道千容成殷湯受命委任于阿衡忠其敬事
有罪不逃刑誦其箴諫言之無隱情有剛有斷四方
可以寧旣頌旣雅天下乃升平專精一致金石爲之
開動其兩心妻子恩情乖苟利社稷無有不盡懷昊
天降祐元首唯康哉

其二

百川俱會大海所以深群材旣聚故能成鄧林猛虎
在山百獸不敢侵忠臣處國天下無異心昔我文祖
執心且危慮驅剪豺狼經營此天步今我受命又無
敢逸豫惟爾弼諧各可知兢懼

其三

禮樂旣正人神所以和玉帛有序志欲靜干戈各分
符瑞俱誓裂山河今日相樂對酒且當歌道德以喻
聽撞鐘之聲神姦不若觀鑄鼎之形艷宮旣朝諸侯

于是穆岐陽或狩淮夷自此平若涉大川言憑于舟
楫如和鼎實有寄于鹽梅君臣一體可以靜氛埃得
人則治何世無奇才

其四

風力是舉而台階序平重黎既登而天地位成功無
與讓銘太常之旌世不失職受駢毛之盟輯瑞班瑞
穆穆于堯門惟翰惟屏膺膺于周原功成而治定禮
樂斯存復子而明辟姬旦何言

角調曲

止戈見于絕轡之野稱伐聞于丹水之征信義俱存
乃先忘食五材並用誰能去兵雖聖人之大寶曰位
實天地之大德曰生涇渭同流清濁異能琴瑟並御
雅鄭殊聲擗擾烝人聲教不一茫茫禹跡車軌未并
志在四海而尚恭儉心包宇宙而無驕盈言而無文
行之不遠義而無立勤則無成惻隱其心訓以慈惠
流宥其過哀矜典刑

其二

匡贊之士或從漁釣雲雨之才乍嘆幽谷尋芳者追

深徑之蘭識韻者採窮山之竹克明其德貢以三事
樹之風聲言于九牧協用五紀風若從事農用八政
甘作其穀殊風共軌見之周南異畝同穎聞之康叔
邠寒暑雨是無胥怨天覆雲油滋焉滲漉幸無謝土
古之淳人庶可以封之于比屋

徵調曲

乾坤以含卷覆載日月以貞明照臨達人以四海爲
務明君以百姓爲心水波瀾者源必遠樹扶疎者根
必深雲雨取施無不洽廊廟求才多所任

其二

淳風布政常無欲至道防人能變俗求仁義急于水
火用禮讓多于菽粟屈軼無佞人可指獬豸無繁刑
可觸王道蕩蕩用無爲天下四人誰不足

其三

聖人千年始一生黃河千年始一清攝提以之而從
紀玉燭于是而文明東南可以補地闕西北可以正
天傾浮龜則東海可屬一作屬運鍾則南山可平衆仙
就朝于瑤水羣帝受享于明庭懷和則韎任並奏功

烈則鍾鼎俱銘

其四

三光以記物成形四時以裁成正位雷風大山岳之
響寒暑通陰陽之氣武功則六合攸同文教則二儀
經緯有道則咸浴其德好生則各繁其類白日經天
中則移明月橫漢滿而虧能虧能缺既無爲雖盈雖
滿則不危開信義以爲苑囿立道德以爲城池周監
二代所損益郁郁乎其文可知庖犧之親臨佃漁神
農之躬秉耕稼湯則救旱而憂勤禹則正冠而無暇

草上之風無不偃君子之眡知可化將欲比德于三
皇未始追踪于五霸

其五

纖纖不絕林薄成涓涓不止江河生事之毫髮無謂
輕慮遠防微乃不傾雲官乃垂拱大君鳳曆唯欽明
元首類上帝而禋六宗望山川而朝群后地鏡則山
澤俱開河圖則魚龍合負我之天網莫不該閭闔九
關天門開鄉相則風雲玄感匡贊則星辰下來旣興
周室之三聖乃舉唐朝之八才華臣參謀于左相大

老教政于中台其宜作則于明哲故無崇信于姦回

其六

正陽和氣萬類繁君王道合天地尊黎人耕植于義
圃君子翱翔于禮園落其實者思其樹飲其流者懷
其源咎繇爲謀不仁遠士會爲政群盜奔克寬則昆
蟲內向彰信則殊俗宅心浮橋有月支抱馬上苑有
烏孫學琴赤玉則南海輸賚白環則西山獻琛無勞
鑿空于大夏不待蹶角于蹄林

羽調曲

樹君所以牧人立法所以靜亂首惡旣其南巢元凶
于是北竄居休氣而四塞在光華而兩旦是以雨施
作解是以風行唯渙周之文武洪基光宅天下文思
千載克聖咸熙七百在我應期實昊天有成命惟四
方其訓之

其二

運平後親之俗時亂先疎之雄踰桂林而驅象濟弱
水而承鴻旣浮于呂之氣還吹入律之風錢則都內
貫朽倉則常平粟紅火中乃寒乃暑年和一風一雨

聽鍾磬念封疆開笙竽思蓄聚瑤琨篠簜旣從恠石
鉛松卽序長樂善馬成廐水衡黃金爲府逾限階內
其三
百川乃宗巨海衆星是仰北辰九州攸同禹跡四海
合德堯臣朝陽栖于鳴鳳靈時牧于般麟雲玉葉而
五色月金波而兩輪涼風迎時北狩小暑戒節南巡
山無藏于紫玉地不受于黃銀雖南征而北怨實西
略而東賓旣永清于四海終有慶于一人

其四

定律零陵玉管調鐘始平銅尺龍門之下孤桐泗水
之濱鳴石河靈于是讓珪山精所以奉璧滌九川而
賦稅柔三危而納錫比里之禾六穗江淮之菰三脊
可以玉檢封禪可以金繩探冊終永保于鴻名足揚
光于載籍

其五

太上之有立德其次之謂立言樹善滋于務本除惡
窮于塞源冲深其智則厚昭明其道乃尊仁義之財
不匱忠信之禮無繁動天無有不屆唯時無幽不徹

作德心逸日休作偽心勞日拙自非剛克掩義無所
離于勦絕

長干婦辭

六朝詩彙卷百之二

六朝詩彙卷百之三

周詩

庾信

步虛詞

渾成空教立元始正圖開赤玉靈文下朱陵真氣來
中天九龍館倒景八風臺雲度弦歌響星移空殿迴
青衣上少室童子向蓬萊逍遙聞四會倏忽度三災

其二

無名萬物始有道百靈初寂絕乘丹氣玄冥上玉虛

三元隨建節八景逐迴輿赤鳳來銜璽青鳥入獻書
壤杌仍成杌枯魚還作魚栖心浴日館行樂止雲墟

其三

疑真天地表絕想寂寥前有象猶虛豁忘形本自然
開經壬子世值道甲申年迴雲隨舞曲流水逐歌弦
石髓香如飯芝房脆似蓮停鸞宴瑤水歸路上鴻天

其四

道生乃太一守靜卽玄根中和練九氣甲子謝三元
居心受善水教學重香園鳧留報關吏鶴去畫城門

更以欣無迹還來寄絕言

其五

洞靈尊上德虞石會明真要妙思玄牝虛無養谷神
丹丘乘翠鳳玄圃馭斑麟移梨付苑吏種杏乞山人
自此逢何世從今復幾春海無三尺水山成數寸塵

其六

東明九芝益址屬一作燭五雲車飄飄入倒景出沒上

烟霞春泉下玉溜一作雷青鳥向金華漢帝看桃核齊

侯問棗花上元應送酒來向藝文類聚作在蕊經家

其七
歸心遊太極回向入無名五香芬紫府千燈照赤城
鳳林採珠寶春山種玉榮夏簧三舌響春鍾九乳鳴
絳河應遠別黃鵠來相迎

其八

北閣臨玄水南宮坐絳雲龍泥印玉策天火煉真文
上元風雨散中天歌吹分靈駕千尋上空香萬里聞

其九

地鏡階基遠天牕影迹深碧玉成雙樹空青爲一林

鵲巢堪鍊石螭房得煮金漢武多驕慢淮南不小心

其十

麟洲一海瀾玄圃半天高浮丘逸子晉若士避盧敖
經食林慮李舊食緩山桃成丹湏竹節刻髓用蘆刀
無妨隱士去卽是賢人逃

擬詠懷二十七首

步兵未飲酒中散未彈琴索索無真氣昏昏有俗心
涸鮒常思水驚羽每失林風雲能變色松竹且悲吟
由來不得意何必徃長岑

其二

倏忽市朝變蒼茫人事非避讒應采葛忘情遂食薇
懷愁正搖落中心愴有違獨憐生意盡空驚槐樹衰
赭衣居傳巖垂綸在渭川乘舟能上月飛憶欲捫天
誰知志不就空有直如弦洛陽蘇季子連衡遂不連
既無六國印纒思二頃田

其三

俎豆非所習帷幄復無謀不言班定遠應爲萬里侯

其四

燕客思遼水秦人望隴頭倡家遭強聘質子值仍留
自憐才智盡空傷年髮秋

其五

楚材稱晉用秦臣卽趙冠離宮延子產羈旅接陳完
寓衛非所寓安齊獨未安雪泣悲去魯悽然憶相韓
唯彼窮途慟知余行路難

其六

唯忠且唯孝爲子復爲臣一朝人事盡身名不足親
吳起常辭魏韓非遂入秦壯情已消歇雄圖不復申

移任華陰下終為關外人

其七

疇昔國士遇生平知己恩直言珠可吐寧知炭欲吞
一顧重尺璧千金輕一言悲傷劉儒子悽愴史皇孫
無因同武騎歸守灞陵園

其八

日色臨平樂風光滿上蘭南園美人去東家棗樹完
抱松傷別鶴向鏡絕孤鸞不言登隴首唯得望長安

其九

榆關斷音信漢使絕經過胡笳落淚曲羌笛斷腸歌
孀腰減束素別淚攢橫波恨心終不歇紅顏無復多
枯木期填海青丘望斷河

其十

白馬向清波乘米始渡河置兵須近水移營喜窳多
長坂初垂翼鴻溝遂倒戈的顛於此去虞兮柰若何
空管衛青塚徒聽田橫歌

其十一

北臨玄菟郡南戍朱鳶城共此無期別俱知萬里情

共常遊令尹今時事客卿不特貧謝富安知死羨生
懷秋獨悲此平生何謂平

其十二

悲歌度燕水弭節出陽關李陵從此去荆卿不復還
故人形影滅音書兩俱絕遙看塞北雲懸想關山雪
游子河梁上應將蘇武別

其十三

鬪麟能食日戰水定驚龍鼓鼙喧七萃風塵亂九重
鼎湖去無返蒼梧悲不從徒勞銅雀妓遙望西陵松

其十四

搖落秋爲氣淒涼多怨情啼枯湘水竹哭壤杞梁城
天亡遭憤戰日蹙值愁兵直虹朝映壘長星夜落營
楚歌饒恨曲南風多死聲眼前一杯酒誰論身後名

其十五

周王逢鄭忿楚后值秦寃梯衝已鶴列冀馬忽雲屯
武安檐瓦振昆陽猛獸奔流星夕照境烽火夜燒原
古獄饒寃氣空亭多在魂天道或可問微兮不忍言

其十六

橫流遘屯慝上塲結重氛哭市聞妖獸頽山起恠雲
綠林多散卒青波有敗軍智士今安用忠臣且未聞
惜無萬金產東求滄海君

其十七

吉士長爲吉善人終日善大道忽云乖生民隨事蹇
有情何可豁忘懷固難遣麟窮季氏且虎振周王圈
平生幾種意一旦衝風卷

其十八

無悶無不悶有待何可待昏昏如坐霧漫漫疑行海

千年水未清一代人先改昔日東陵侯唯見瓜園在
其十九

六國始咆哮縱橫未定交欲兢連城玉翻徵縮酒
折骸猶換子登爨已懸巢壯水初開地盲風正折
輕雲飄馬足明月動弓稍楚師正圍鞏秦兵未下嶠
始知千載內無復有申包

其二十

懷抱獨惛惛平生何所論由來千種意併是桃花源
穀皮兩書帙壺盧一酒樽自知費天下也復何足言

其二十一

橫石三五片長松一兩株對君俗人眼真興理當無
楚老披荷葉家童掃栗柎竹林千戶封甘樹萬頭奴
君見愚公谷真言此谷愚

其二十二

日晚荒城上蒼茫餘落暉都護樓蘭反將軍踈勒歸
馬有風塵氣人多關塞衣陣雲平不動秋蓬捲欲飛
聞道樓船將今年不解圍

其二十三

蕭條亭障遠悽慘風塵多關門臨白狄城影入黃河
秋風別蘇武寒水送荆軻誰言氣蓋世晨起帳中歌

其二十四

被甲陽雲臺重雲久未開鷄鳴楚地盡鶴淚秦軍來
羅梁猶下礮楊排久飛灰出門車軸折吾王不復回

其二十五

尋思萬戶侯中夜忽然愁琴聲遍屋裏書卷滿床頭
雖言夢蝴蝶定自非莊周殘月如初月新秋似舊秋
露泣連珠下螢飄碎火流樂天乃知命何時能不憂

其二十六

憤憤天公公疑曉精神殊之少一郡郡疑催曙鷄數
處驚眠鳥其覺乃于于其憂唯悄悄張儀稱行薄管
仲稱噐小天下有情人居然性靈天

其二十七

在死猶可忍為辱豈不寬古人持此性遂有不能安
其面雖可熱其心長自寒匣中取明鏡披圖自照看
幸無侵餓理差有犯兵欄擁節時驅傳乘亭不據鞍
代郡蓬初轉遼陽桑欲乾秋雲粉絮結白露水銀團

一思探禹穴無用麈鼻蘭

慨然成詠

新春光景麗遊子別離情交讓未全死梧桐唯半生
值熱花無氣逢風水不平寶鷄雖有祀何時能更鳴

率爾成詠

昔日謝安石求為淮海人彷彿新亭岸猶言洛水濱
南冠今別楚荆玉遂遊秦倘使如楊僕寧為關外人

閨怨

明鏡圓花發空房故怨多幾年留織女還應聽渡河

擣衣

擣衣明月下靜夜秋風飄錦石平砧面蓮芳接杵腰
急節迎秋韻新聲入手調寒衣須及早將寄霍嫫姚

夜聽擣衣

秋夜擣衣聲飛度長門城今夜長門月應如晝日明
小鬟宜栗瑱圓腰運織成秋砧調急節亂杵變新聲
石燥砧逾響桐虛杵絕鳴鳴石出華陰虛桐採鳳林
址堂細腰杵南市女郎玷擊節無勞鼓調聲不用琴
並結連枝縷雙穿長命針倡樓驚別怨征客動愁心

同心竹葉枕雙去雙來滿裙裾不柰長衫袖偏宜短
龍文鏤剪刀鳳翼纏篔管風流響和韻哀怨悽聲斷
新聲繞夜風嬌轉滿空中應聞長樂殿判徹昭陽宮
花鬟醉眼纈龍子細文紅濕摺通夕露吹衣一夜風
玉階風轉急長城雪應闌新綬始欲縫細錦行須纂
聲繁廣陵散杵急漁陽摻新月動金波秋雲泛濫過
誰憐征戍客今夜在交河羽觴離別賦臨江愁思歌
復悲此中曲紅顏餘幾多

王昭君

拭啼辭戚里回顧望昭陽鏡失菱花影釵除却月梁
圍腰無一尺垂淚有千行綠衫承馬汗紅袖拂秋霜
別曲真多恨哀絃須更長

其二 應詔

歛眉光祿塞還望夫人城片片紅顏落雙雙淚眼生
冰河牽馬渡雪路抱鞍行胡風入骨冷漢月照心明
方調琴上曲變入胡笳聲

其三

猗蘭思寵歇昭陽幸御稀朝辭漢闕去夕見胡塵飛

寄信秦樓下因書秋鴈歸

出自薊北門行

薊門還北望役役盡傷情關山連漢月隴水向秦城
笳寒蘆葉脆弓凍紵弦鳴梅林能止渴複姓可防兵
將軍朝挑戰都護夜巡營燕山猶有石須勒幾人名

結客少年場行

結客少年場春風滿路香歌撩李都尉果擲潘河陽
折花遙勸酒就水更移床今年喜夫婿新拜羽林郎
定知劉碧玉偷嫁汝南王

折一作隔

舞媚娘 六言

朝來戶前照鏡含笑盈盈自看眉心濃黛直點額角
輕黃細安柢疑落花謾去復道春風不還少年唯有
歡樂飲酒那得留殘

怨歌行

家住金陵縣前嫁得長干少年回頭望鄉淚落不知
何處天邊胡塵幾日應盡漢月何時更圓為君能歌
此曲不覺心隨斷弦

燕歌行 七言

代北雲氣晝昏昏千里飛蓬無復根寒鴈丁丁本集一作一

一作又渡遼水桑葉紛紛落薊門晉陽山頭無箭竹

踈勒城中乏水源屬國征戍久離居陽關音信絕然
踈願得魯連飛一箭持寄思歸燕將書渡遼本自有

將軍寒風蕭蕭生水紋妾驚甘泉足烽火君訝漁陽

少陣雲自從將軍出細柳蕩子空牀難獨守盤龍明

鏡餉秦嘉辟惡生香寄韓壽春分鸞來能幾日二月

蠶眠不復久洛陽遊絲百尺連黃河春水千片穿桃

花顏色好如馬榆莢新開巧似錢蒲萄一杯千日醉

無事九轉學神仙定取金丹作幾服能令華表得千
年

烏夜啼

桂樹懸知遠風竿詎肯低獨憐明月夜孤飛猶未棲
虎賁誰見惜御史詎相攜雖言入弦管終是曲中啼

又七言

促柱繁弦非子夜歌聲舞態異前谿御史府中何處
宿洛陽城頭那得棲彈琴蜀郡卓家女織錦秦川竇
氏妻詎不自驚長淚落樹頭啼烏恒夜啼

折楊柳

河邊楊柳百丈枝別有長條宛地垂河水衝激根株
危倏忽河中風浪吹可憐巢裏鳳凰兒無故當年生
別離流槎一去上天池織女支機當見隨誰言從來
蔭數國直用東南一小枝昔日公子出南皮何處相
尋玄武陂駿馬翩翩四牡馳左右彎弧仰月支連錢
障泥渡水騎白玉手板落盤螭君言丈夫無意氣試
問燕山那得磧鳳凰新管簫史吹朱鳥春窓玉女窺
銜雲酒盃赤瑪瑙照日食螺紫琉璃百年霜露奄離

披一旦功名不可爲定是懷王作計誤無事翻覆用
張儀不如飲酒高陽池日暮歸時倒接離武昌城下
誰見移官渡營前那可知獨憶飛絮鴉毛下非復青
絲馬尾垂欲與梅花留一曲共將長笛管中吹

俠客行

俠客重連鑣金鞍被桂條細塵鄣路起驚花亂眼飄
酒薰人半醉汁濕馬全驕歸鞍畏日晚爭路上河橋

六朝詩彙卷百之三

六朝詩彙卷之一百四

周詩

庾信

新月

鄭環惟半出秦鈞本獨懸若交臨酒影堪言對琴弦

舟中望月

舟子夜離家開船望月華山明疑有雲岸白不關沙
天漢看珠蚌星橋視桂花灰飛重暈闕賞落獨輪斜

又

夜光流未曙金波影尚賒照人非七子含風異九華
莫新半壁上桂滿獨輪斜乘舟聊可望無假逐靈槎
風雲俱慘慘原野共茫茫雪花開六出水珠映九光
還如駟玉馬暫似獵銀獐陣雲全不動寒山無物香
薛君一狐白唐侯兩驪驪寒關日欲暮披雪渡河梁

郊行值雪

對雨

繁雲猶暗嶺積雨未開庭堦含侵角路鑊滿溜疏萍
濕楊生細堪爛草變初螢徒勞看封蟻無事祀靈星

喜晴

比日思光景今朝始暫逢雨住便生熱雲晴即作峰
水白澄還淺花紅燥更濃已歡無石燕彌欲棄土龍

喜晴應詔勅自疏韻

御辨誠膺錄維皇稱有建雷澤昔經漁負夏時從販
栢梁驂四馬高陵馳六傳有序屬賓連無私表平憲
河堤崩故柳秋水高新堰心齋愍昏墊樂徹憐胥怨
禪河秉高論法輪開勝辨王城水闕息洛浦河圖獻
伏泉還習坎歸風已回巽桐枝長舊園蒲節抽新寸

山藪忻藏疾幽棲得無悶有慶兆民同論年天子萬

同顏大夫初晴

夕陽含

一作寒

水氣反景照河堤濕花飛未遠陰雲斂

向低燕燥還爲石龍殘更是泥香泉酌冷澗小艇釣

蓮溪但使心齊物何愁物不齊

詠春近餘雪應詔

送寒開小苑迎春入上林絲條變柳色香氣動蘭心
待花留對酒留雪擬彈琴陪遊媿並作空見奉恩深

正旦蒙趙王賚酒

正旦辟惡酒新年長命杯栢葉隨銘至椒花逐頌來
流星向碗落浮蟻對春開成都已救火蜀使何時來

正旦上司憲府

詰旦啓門攔繁辭湧筆端蒼鷹下獄吏獬豸飾刑官
司朝引玉節盟載捧珠盤窮紀星移次歸餘律未殫
雪高三尺厚冰深一丈寒短筍猶埋竹香心未起蘭
孟門久失路扶搖忽上搏棲鳥還得府棄馬復歸欄
榮華名義重虛薄報恩難枚乘還起疾貢禹遂彈冠
方垂蓮葉劍未用竹根丹一知懸象法誰思垂釣竿

幽居值春

山人久陸沉幽徑忽春臨
決渠移水碓開園掃竹林
歌橋久半斷崩岸始斜侵
短歌吹細笛低聲泛古琴
錢刀不相及耕種且須深
長門一紙賦何處覓黃金

春望

春望上春臺春窓四面開
落花何假拂風吹會併來

春日極飲

檻前聞鳥囀園裏對花開
就中言不醉紅袖捧金杯

奉和趙王美人春日

直將劉碧玉來過陰麗華
祗言滿屋裡併作一園花
新藤亂上格春水漫吹沙
步搖釵梁動紅輪被一作輪幘
角斜今年逐春處先向石崇家

奉和趙王春日

城傍金谷苑園裡鳳凰池
細管調歌曲長衫教舞兒
作人長眼臉由來薄面皮
梅花絕解作樹葉本能吹
香煙龍口出蓮子帳心垂
莫畏無春酒須花但見隨

見遊春人

長安有狹斜金穴盛豪華
連杯勸上馬亂果擲行車

深紅蓮子艷細錦鳳凰花那能學
嘆酒無處處一似作趣
樂巴

春日離合

秦青初變曲來有逐琴心
明年花樹下月月來相尋
又

田家足閑暇士友暫留連
三春竹葉酒一曲鷓鴣絃

詠春

昨夜鳥聲春驚鳴動四隣
今朝梅樹下定有詠花人
流星浮酒泛栗瑱繞杯脣
何勞一片雨喚作陽臺神

行途賦得四更應詔

四更天欲曙落月垂關下
深谷暗藏人欹松橫礙馬

奉和夏日應令

朱簾捲麗日翠幙蔽重陽
五月炎氣蒸三時刻漏長
麥隨風裡熟梅逐雨中黃
開冰帶井水和粉雜生香
衫含蕉葉氣扇動竹花涼
早菱生軟角初蓮開細房
願陪仙鶴舉洛浦聽笙簧

奉和初秋

落星初伏火秋霜正動鍾
北閣連橫漢南宮映鑿龍

祥鸞棲竹實靈蔡上芙蓉自有南風曲還來吹九重

秋日

蒼茫望落景羈旅對窮秋賴有南園菊殘花足解愁

秋夜望單飛鴈七言

失群寒鴈聲可憐夜半單飛在月邊無奈人心復有
憶今夜將渠俱不眠

晚秋

淒清臨晚景踈索望寒階濕庭凝墜露搏風捲落槐
日氣斜還冷雲峰晚更霾可憐數行鴈點點遠空排

暮秋野興賦得傾壺酒

劉伶正捉

一作促

酒中散欲彈琴但使逢秋菊何須就

竹林

晚秋和穎川公秋夜

沈寥空色遠葉黃淒序變洞浦落遵鴻長飈送巢燕
千秋流夕景百籟含宵嘒峻維聆金柝曾臺切銀箭

聘齊秋晚館中飲酒

忻茲河朔飲對此洛陽才殘秋欲屏扇餘菊尚浮杯
漳流鳴二水日色下三臺無因侍清夜同此月徘徊

歲晚出橫門

年華改歲陰遊客喜登臨據鞍垂玉帖橫腰帶錦心
水弱浮橋沒沙虛馬跡深倚弓依石岸回牀向柳陰
智瓊來勸酒文君過聽琴明朝雲雨散何處更相尋

奉和平鄴應詔

天策引神兵風飛掃鄴城陣雲千里散黃河一代清
奉和法筵應詔

五城隣北極百雉壯西昆鈎陳橫複道閭闔抵靈軒
千柱蓮花塔由旬紫紺園佛影胡人記經文漢語翻

星窺朱鳥牖雲宿鳳凰門新禽解雜嘯春柳卧生根
早雷驚蟄戶流雪長河源建始移交讓徽音種合昏
風飛扇天辨泉湧屬絲言羈臣雖散木無以預中天

送可望終類仰鵠絃

奉和賜曾美人

本集曾作曹

月光如粉白秋露似珠圓絡緯無機織流螢帶火寒
何年迎美玉今朝得夢蘭訝許能含笑芙蓉宜熟看
和從駕登雲居寺

重巒千仞塔危磴九層臺石關恒逆上山梁乍斗迴

塔下雲峰出窓前風洞開隔嶺鍾聲度中天梵響來
平時忻侍從于此暫徘徊

陪駕幸終南和宇文內史

玉山乘四載瑤池宴八龍
鼉橋浮少海鵠蓋土中峰
飛狐橫塞路白馬當河衝
水奠三川石山封五樹松
長虹雙瀑布圓闕兩芙蓉
戍樓鳴夕鼓山寺響晨鍾
新蒲節轉促短筍籜猶重
樹宿含櫻烏花留釀蜜蜂
迎風下列缺灑酒召昌容
且欣陪北上方欲待東封

和宇文京兆遊田

小苑禁門開長楊獵客來
懸知畫眉罷走馬向章臺
澗寒泉反縮山晴雲倒回
熊饑自舐掌鴈警獨銜枚
美酒餘杭醉芙蓉即奉杯

和張侍中述懷

陽窮乃悔吝世季誠屯剝
奔流絕地維折柱傾天角
成群海水飛如雨天星落
負鍾遂移山藏舟終去壑
生民忽已魚君子徒爲鶴
疇昔逢知己生平荷恩渥
故組竟無聞程嬰空寂寞
永嘉獨流寓中原唯鼎鑊
道險卧櫬櫪身危累素殼
漂流從木梗風卷隨秋籜

張翰不歸吳陸機猶在洛漢陽錢遂盡長安米空索
時占季主龜乍敗韓康藥伏轅終入絆垂翅猶離繳
徒懷琬琰心空守黃金諾號鄒終無寄齊秦竟何託
大夫誰一作問周君子長思毫寂寥共羈旅蕭條同
負郭農談止穀稼野膳唯藜藿操樂楚琴悲志憂魯
酒薄渭濱觀坐釣谷口看秋穫唯有丘明耻無復榮
期樂夷則火星流天根秋水涸冬嚴日不煖歲晚風
朔揚浮有恠雲細凌聞災雹木皮三寸厚涇泥五
尺濁雖忻曲轅樹猶懼雕陵鵠生涯實有始天道終

虛橐且悅善人交無疑朋友數何時得雲雨復見翔
寥廓

預麟趾校書和劉儀同

止戈興禮樂脩文盛典謨壁開金石篆河浮雲霧圖
芸香上延閣碑石向鴻都誦書徵博士明經拜大夫
璧池寒水落學市舊槐枯高談變白馬雄辯塞飛狐
月落將軍樹風驚御史烏子雲猶汗簡温舒正削蒲
連雲雖有閣終欲想江湖

奉和永豐殿下言志

立德齊今古資仁一毀譽無機抱甕汲有道帶經鋤
處下唯名惠能言一作賢本姓遽未論驚寵辱安知係

一作繁慘舒

其二

王子從邊服臨節惜第如星橋擁冠蓋錦水照簪裾
論文報潘岳詠史答應璩帳幕叅三顧風流盛七輿

其三

茫茫實宇宙與善定馮虛大夫傷魯道君子念殷墟
程卿既開國安平遂徙居詎能從小隱終能遊太初

其四

直城風日美平陵雲霧除來往金張館絃歌許史間
鳳臺迎弄玉河陽送婕妤五馬遙相問雙童來夾車

其五

託情忻六學遊目愛三餘覆局能懸記看碑解暗跡
詎嘗遊魏冉那時說范睢池水朝含墨流螢夜聚書

其六

興雲榆莢晚燒薤杏花初瀉池浸黍稷谷水播菑畬
六月蟬鳴稻千金龍骨渠含風搖古渡防露動林於

其七

自憐循短綆方欲問長沮茂陵體猶瘠淮陽疾未祛
翻疑承毒水忽似遇昌菹漢陽嗟欲盡咎繇懼忽諸

其八

弱齡叅顧問疇昔濫吹噓綠槐垂學市長楊映直廬
連盟翻滅鄭仁義反亡徐還思建業水終憶武昌魚

其九

崩堤壓故柳衰社卧寒樗野鶴能自獵江鷗解獨漁
陰逢荷篠緇林見杖屨阮籍長思酒嵇康懶著書

其十

披林求木實拂雪就園蔬濁醪非鶴髓蘭肴異蠨脰
野情風月曠山心人事踈徒知守瓦甕空欲報璠璣
和濬池初成清晨臨泛

千金高堰合百頃浚源開翻逢積草浪更識昆明灰
爓嘯風還急鷄鳴潮即來時看青雀舫遙逐桂洲迴
奉答賜鵝酒

雲光偏亂眼風聲特噤心冷猿披雪嘯寒雲抱凍沉
今朝一壺酒寔是勝千金負恩無以謝唯知就竹林

和李司錄喜雨

純陽實久亢雲漢乃昭回臨池沉璧玉夾道畫龍媒
離光初繞電震氣始成雷海童還碣石神女向陽臺
雲逐魚鱗起渠隨龍骨開崩沙襍水去卧樹擁槎來
嘉苗雙合穎熟稻再含胎屬此忻膏露逢君摘挾才
愧乏瓊將玖無酬美且俛

和樂儀同苦熱

火井沉熒散炎州高燄通鞭石未成雨鳴鳶不起風
思爲鸞翼扇願借明光宮臨淄迎子禮中散就安豐

美酒含蘭氣甘瓜開蜜筒寂寥人事屏還得隱墻東
和裴儀同秋日

蕭條依白社寂寥似東臬學異南宮敬貧同北郭騷
蒙吏觀秋水萊妻紡落毛旅人嗟歲暮田家厭作勞
霜天林木燥秋氣風雲高栖遑終不定方欲涕沾袍
仰和何僕射還宅懷故

內閣早朝罷中臺夕奏稀無復千金咲徒勞五日歸
步簷朝未掃蘭房晝掩扉苔生理曲處網積迴文機
故瑟餘絃斷歌梁秋燕飛朝雲雖可望夜帳定難依

願憑甘露入方假慧燈輝寧知洛城晚還淚獨沾衣
和淮南公聽琴聞絃斷

嗣宗看月夜中散對行雲一絃雖獨韻猶足動文君
和侃法師前後三絕

秦廟望楚路灞岸想江潭幾人應落淚看君馬向南
其二

遊經歲月羈旅故情多近學衡陽鴈秋分俱渡河
其三

回首河堤望春春嗟離絕誰言舊國人到在他鄉別

和劉儀同臻

南登廣陵岸迴首落星城不言臨舊浦烽火照江明

和庾四

離關一長望別恨幾重愁無妨對春日懷抱只言秋

和宇文內史入重陽閣

北原風雨散南宮容衛踈待詔還金馬儒林歸石渠
徒懸仁壽鏡空聚茂陵書竹淚垂秋笋蓮衣落故蕖
顧成始移廟陽陵正徙居舊蘭憔悴長殘花爛熳舒
別有昭陽殿長悲故婕妤

奉和示內人

燃香鬱金屋吹管鳳凰臺春朝迎雨去秋夜隔河來
聽歌雲即斷聞琴鶴倒回春窓刻鳳下寒壁畫花開
定取流霞氣時添承露杯

上益州上柱國趙王

銅梁影棠樹石鏡寫寒帷兩江如瀆錦雙峰似畫眉
穿荷低晚蓋衰柳掛殘絲風流盛儒雅泉湧富文詞
無因同子淑暫得侍臨淄

又

寂寞歲陰窮蒼茫雲貌同鶴毛飄亂雪車轂轉飛蓬
鴈歸知向煖鳥巢解背風寒沙兩岸白獵火一山紅
願想懸鶉弊時嗟陋巷空

奉報趙王出師在道賜詩

上將出東平先定下江兵彎弓伏石動振鼓沸沙鳴
橫海將軍號長風駿馬名雨歇殘虹斷雲歸一鴈征
閭巖朝石濕空山夜火鳴低橋澗底度狹路花中行
錦車同建節魚軒異泊營軍中女子氣塞外夫人城
小人乖攝養岐路阻逢迎幾月芝田熟何年金甕成

哀笳關塞曲嘶馬別離聲王子身為寶深思不倚衡

奉和趙王途中五韻

飄飄映軍幕出沒望連旗度雲還翊陣迴風即送師
峽路沙如月山峯石似眉村桃拂紅粉岸柳被青絲
錦城遙可望迴鞍念此時

奉和趙王西京路春日

直城龍首抗橫橋天漢分風鳥疑近日露掌定高雲
新渠還入渭舊鼎更開汾漢獵熊扳檻秦田雉失群
宜年動春律御宿歛寒氛弄玉迎蕭史東方覓細君

楊柳成歌曲蒲桃學綉文鳥鳴還獨解花開先自薰
誰知灞陵下猶有故將軍

奉和趙王送峽中軍

樓船聊習戰白羽拭撫軍山城對却月岸陣抵平雲
赤蛇懸弩影流星抱劔文胡笳遙警夜塞馬闇嘶群
客行明月峽猿聲不可聞

奉和趙王喜雨

玄霓臨日谷封蟻對雲臺投壺欲起電倚柱稍驚雷
白沙如濕粉蓮花類洗杯驚鳥洒翼度濕鴈斷行來

浮橋七星起高堰六門開猶言祀蜀帝即似望荆臺
厥田終上上原野自莓莓

奉和趙王遊仙

藏山還採藥有道得從師京兆陳安世成都李意期
玉經一作京傳相鶴太乙授飛龜白石香新芋青泥美
熟芝山精還照鏡樵客值圍碁石紋如碎錦藤苗似
亂絲蓬萊在何處漢后欲遙祠

奉和趙王隱士

洛陽徵五隱東都別二賢雲氣浮函谷星光集潁川

灞陵採樵路成都賣卜錢鹿裘披稍裂藜床坐欲穿
阮籍唯長嘯嵇康訝一絃礪險無平地山深足細泉
短松猶百尺少鶴已千年野鳥繁絃嘒山花焰大燃
洞風吹戶裡石乳滴窓前雖無亭長識終見野人傳
和江中賈客

奉和趙王

五兩開船頭長橋發新浦懸知岸上人遙振江中鼓
花逕日相攜花林鳥未棲比看中郎醉堪聞鳥夜啼
和趙王看妓

綠珠歌扇薄飛燕舞衫長琴曲隨流水簫聲逐鳳凰
細篔簹纏鍾板一作圓花釘鼓牀亂映日鳳釵光懸知
曲不誤無事顧一作周郎

六朝詩彙卷之一百四



六朝詩彙卷之一百五



周詩

庾信

應令

望別非新館開舟即舊灣浦喧証棹發庭空送客還
路塵猶向水征帆獨背關

贈別

藏啼留送別拭淚強相叅誰言畜衫袖長代手中洽

別庾七入蜀

六朝詩彙卷百五

峻嶺拂陽烏長城連蜀都石銘懸劒壁沙洲聚陣圖
山長半股一作腹斷樹古中心枯由來兄弟別共念一
荆株

任洛州酬薛文學見贈別

子居河之曲英彥本連蹤
塩形或變虎鼎氣乍成龍
若人承載德宮墻定數重
五衢開辯路四照起文烽
日餘濫推轂民願始天從
上洛分都尉弘農開附庸
羊腸連九坂熊耳對雙峯
白石仙人芋青林隱士松
北梁送孫楚西堤別葛龔
故人倘書札黎陽土足封

別張洗馬樞

別席慘無言離悲兩相顧
君登蘇武橋我見楊朱路
關山負雪行河水乘冰度
願子着朱鳶知余在玄菟
別周尚書弘正

扶風石橋北函谷故關前
此中一分手相逢知幾年
黃鵠遂一作返顧徘徊應愴然
自知悲不已徒勞減
瑟絃

送周尚書弘正二首

交河望合浦玄菟想朱鳶
共此無期別知應復幾年

又
離期定已促別淚轉無從惟愁郭門外應足數株松

重別周尚書二首

陽關萬里道不見一人歸唯有河邊鴈秋來一作南

向飛

又

河橋兩隄絕橫岐數路分山川遙不見懷袖遠相聞

徐報使來止得一相見

一箇還千里相思那得論更尋終不見無異桃花源

寄王琳

玉關道路遠金陵音信一作信使踈獨下千行淚聞君萬

里書

寄徐陵

故人倘思我及此平生時莫待山陽路空聞吹笛悲

從駕觀講武

校戰出長楊兵欄入闕場置陣雲橫起開營鴈翼張
門嫌磁石礙馬畏鐵菱傷龍淵觸牛斗繁弱駭天狼
落星奔驥駟浮雲上驕驩急風吹戰鼓高塵擁貝裝

駭獮時落木驚鴻屢斷行樹寒條更直枝枯菊轉香
豹畧推全勝龍圖揖所長小臣忻寓目還知奉會昌

將命至鄴

大國脩聘禮親鄰自此敦張旃事原隰負宸報成言
西過犯風露北指度輟轅交歡值公子展禮覲王孫
何以譽嘉樹徒忻賦采繁四牢盈折俎三獻滿罍樽
人臣無境外何由欣此言風俗旣殊阻山河不復論
無因旅南館空欲祭西門眷然唯此別風期幸共存

將命至鄴酬祖正員

我王臨九有聲教洎無隄興文盛禮樂偃武息民黎
承乏驅騏驥旌旃事鼓鞞古碑文字盡荒城年代迷
被隴文瓜熟交媵香穗低投瓊寔有慰報李更無蹊

將命使北始渡瓜步江

校尉始辭國樓船欲渡河輶軒臨磧岸旌節映江沱
觀濤想帷蓋爭長憶干戈雖同燕市泣猶聽趙津歌

入彭城館

襄君前建國項氏昔稜威鴟飛傷楚戰鷄鳴悲漢園
世代殊民俗風雲更盛衰水流浮磬動山喧雙翟飛

夏餘花欲盡秋近燕將稀
槐庭垂綠穗蓮浦落紅衣
徒知日云暮不見舞雩歸

反命河朔始入武州

輕車初逐李定遠未隨班
受詔祁連反申威疏勒還
飛蓬損腰帶秋鬢落容顏
寄言舊相識知余生入關

入關

隴雲低不散黃河咽復流
關山多道里相接幾重愁

同州還

赤岸繞新村青城臨綺門
范睢新入相穰侯始出藩

上林催獵響河橋爭渡喧
竄雉飛橫澗藏狐入斷崖
將軍高宴晚來過青竹園

歸田

務農勤九穀歸來嘉一廛
穿渠移水碓燒棘起山田
樹陰逢歇馬魚潭見洒船
苦李無人摘秋瓜不直錢
社鷄新欲伏原蠶始更眠
今日張平子翻為人所憐

至老子廟應詔

虛無推馭辨廖廓本乘蜺
三門臨苦縣九井對靈溪
盛丹頰竹節量藥用刀圭
石似臨印芋芝如封禪泥

毳毛新鵠小盤根
古樹低野戍孤烟起
春山百鳥啼
路有三千別途經七聖
迷行當別關吏直向流沙西

西門豹廟

君子為利博達人
樹德深蘋藻由斯薦
樵蘇幸未侵

恭聞正臣一作直祀良識
佩韋心容貌一作範雖年代微

猷尚可尋菊花隨酒馥
槐影向窓臨鶴飛疑逐舞魚

驚似聽琴漳流鳴磴一作磴石銅爵影秋林

入道士館

金華開八景玉洞上三危
雲袍白鶴度風管鳳凰吹

紵衣縫蕙葉山中篔簹皮
何必淮南館淹留扳桂枝

和同泰寺浮屠

岩岩凌太清照殿比東京
長影臨雙闕高層出九城

拱積行雲礙幡搖度鳥驚
花飛如始落蓮合似初生

輪重對月滿鐸韻擬鸞聲
畫水流全住圖雲色半輕

露晚盤猶滴珠朝火更明
雖連博望苑還接銀沙城

天香下柱殿仙梵入伊笙
度同八界樂方遣六塵情

和何儀同講竟述懷

無名即講道有動定叅微一作論機安經讓禮席正業理

儒衣侶得遊焉趣能同捨講歸石渠人朱少一作歇華
陰市暫稀秋雲從晚氣短景側餘輝螢排亂草出鴈
捨斷蘆飛別有平陵逕蕭條客鬢衰本集無此二句饑噪空
倉雀寒驚懶婦機實忻懷諛問逢君理入微

奉和闡弘二教應詔

五明教已設三元法復開魚山將鶴嶺清楚兩邊來
香烟聚成塔花雨積爲臺空心論佛性真氣辨仙才
露盤高掌滴風鳥平翅迴無勞問待詔自識昆明灰

山中

澗暗泉偏冷巖深桂絕香住中能不去非獨淮南王

仙山

金竈新和藥銀臺舊聚神相看但莫怯先師應識人

又

石軟如香餌鉛銷似熟銀蓬萊暫近別海水遂成塵

遊仙

聊登玄圃殿更上增城山不知高幾里低頭看世間
唱歌雲欲聚彈琴鶴欲舞澗底百重花山根一片雨
婉婉藤倒垂亭亭松直豎

和宇文內史春日遊山

遊客值春暉金鞍上翠微風逆花迎面山深雲濕衣
鴈持一足倚猿將兩臂飛戍樓侵嶺路山村落獵圍
道士封君達仙人丁令威煮丹于此地居然未肯歸

山齋

寂寥尋靜室蒙密就山齋滴瀝泉澆路穹窿石卧堦
淺槎全不動盤根唯半埋圓珠墜曉菊細火落空槐
直置風霜慘彌憐心事重

圓一作碎

又

石影橫臨水山雲半繞峯遙想山中店懸知春酒

和山池

樂宮多暇豫望苑暫迴輿鳴笳凌絕限飛蓋歷通渠
桂亭花未落桐門葉半踈荷風驚浴鳥橋影聚行魚
日落含山氣雲歸帶雨餘

同會河陽公新造山池聊得寓目

橫堦仍鑿澗對戶即連峯闔石疑藏虎盤根似卧龍
沙洲聚亂荻洞石礙橫松引泉恒數派開巖即百重
北閣聞吹管南隣聽擊鐘菊含花正合盃香酒絕濃

由來魏公子今日始相逢

和吳法師遊昆明池

遊客重相歡連鑣出上蘭
值泉傾盞飲逢花住馬看
平湖泛玉軸高堰歇金鞍
半道聞荷氣中流覺水寒

又

秋光麗晚天鷓舸泛中川
密菱障浴鳥高荷沒釣船
碎珠縈斷菊殘絲繞折蓮
落光催十酒栖鳥送一絃

和人日晚景宴昆明池

春餘足光景趙李舊經過
上林柳腰細新豐酒徑多

小船行釣鯉新盤待摘荷
蘭臯徒稅駕何處有凌波

望渭水

樹似新亭岸沙如龍尾灣
猶言吟暝浦應有落帆還

望野

試策千金馬來登五丈原有城仍舊縣
無樹即新村
水迥蘭池泊日斜細柳園涸渚通沙路
寒渠塞水門
但得風雲賞何須人事論
回隄盡費園成滋水問

吉日辭散野步
出四園
大輝策身
馬並驅
中氣

值泉仍飲馬逢花即舉杯
稍看城闕遠轉見風雲來

遊西園

吉日簡清時從君出西園方軌策良馬並驅厲中原
北臨清漳渚西看柏楊山回翔遊廣囿逍遙波水間
寒園即日林園國散居搖落小村墟遊仙半壁畫隱士一牀書
子月泉心動陽爻地氣虛雪花深數尺冰牀厚尺餘
蒼鷹斜望雉白鷺下看魚更想東都外群公祖二疏
杖鄉從物外養學事閑郊窮愁方汗簡無遇始觀爻

園庭

谷寒已吹律簷空更剪茅樵隱恒同路人禽或對巢
水蒲開晚結風竹解寒苞古槐時變火枯楓乍落膠
倒屣迎懸榻停琴聽解嘲香螺酌美酒枯蚌藉蘭葳
飛魚時觸釣翳雉屢懸庖但使相知厚能當來結交

北園射堂新成

軒臺聊可習仙的不難登轉箭初調筈橫弓先望壻
驚心一鴈落連臂兩猿騰直如王濟巧誰覺魏舒能
空心不死樹無葉未枯藤擇賢方至此傳卮欣得朋

北園新齋成應教

虹粉跂鳥翼山節拱蘭枝畫梁雲氣繞雕牕玉女窺
月懸唯返照蓮開長倒垂盤根細懷石行潦暴澆池
長藤連格徙高樹帶巢移鳥聲唯雜曲花風直亂吹
白虎題書觀玄熊帖射皮文絃入舞曲月扇掩歌兒
玉節調笙管金船代酒卮若論曹子建天人本共知
奉和泛江

春江下白帝畫舸向黃牛錦纜迴砂磧蘭橈避荻洲
濕花隨水泛空巢逐樹流建平船梯下荆門戰艦浮
岸社多長樹山城足迥樓日落江風靜龍吟迴上游

登中州一作新閣

蹊

一作跨

虛凌倒景連雲拒少陽璇極龍鱗上雕甍

翅張千尋文杏照十里木蘭香閑牕

一作開堂對高掌平

坐望河梁歌響聞長樂鐘聲徹建章賦用王延壽書
須臾仲將龍來隨畫壁鳳起逐吹篴石作芙蓉影池
如明鏡光花梁反披葉蓮并倒垂房徒然思燕賀無
以預鷗翔

賦得鸞臺

九成吹玉管百尺上瑤臺能將秦女去終是鳳凰來

忝在司水看治渭橋

大夫叅下位司職渭之陽富平移鑠一作柱甘泉運
石梁跨虹連絕岸浮龜續斷航春洲鸚鵡色流水桃
花香星精逢漢帝釣叟值周王平堤石岸直高堰柳
陰長羨言杜元凱河橋獨舉觴

集周公處連句

市朝一朝變蕭艾本同焚故人相借問平生如所聞
註贈司寇淮南公

危邦久亂德天策始乘機九河聞擔衆千里見連旂

號亡乘棘返齊平寶鼎歸久弊風塵俗殊勞關塞在
絆驥還千里垂鵬更九飛猶憐馬齒進應念節旄稀
迴軒入故里園柳始依依舊竹侵行徑新桐益幾圍
寒谷梨應重秋林栗更肥美酒還叅聖彫文本入微
促歌迎趙瑟遊絃召楚妃小人司刺舉明時實濫吹
南部治都尉軍謀假建威南山隱士石一作宅丹水鳳
凰磯野亭長被馬山城早掩扉傳呼擁絳節交戟暎
彤圍遂令亡楚操何但食周薇三十六水變四十九
條非丹竈風烟歇年齡蒲柳衰同僚敢不盡疇日懼

難追

傷王司徒褒

昔聞王子晉輕舉逐神仙謂言君積善還得嗣前賢
四海皆流寓非為獨播遷豈意中台拆君當風燭前
自君鍾鼎族江東三百年寶刀仍世載琬戈本舊傳
綠紱紆槐綬黃金飾侍蟬地建忠臣國家開孝子泉
自能粘一作枯木潤足得流水圓以君承祖武諸侯無
間然青襟已對日童子即論天穎陰珠玉麗河陽脂
粉妍名高六國共價重十城連辨足觀秋水文堪題

馬鞭回鸞抱書字別鶴繞琴絃擁麾裁甸服垂維非
被邊靜亭空繫馬閑烽直起煙不廢披書案無妨坐
釣船茂陵忽多病淮陽實未痊恃醫逾默默神理遂
綿綿永別張平子長埋王仲宣栢谷移松樹陽陵買
墓田陝路秋風起寒堂已颯馬丘楊一搖落山火即
時燃昔為人所羨今為人所憐世途旦復旦人情玄
又玄故人傷此別留恨滿秦川定名于此定全德以
斯全唯有山陽笛悽余思舊篇

奉報寄洛州

六朝詩彙卷五

七

舟師會孟津甲子陣東鄰雷轅驚戰鼓劔室動金神
幕府風雲氣軍門關塞人長旂析鳥羽合甲抱犀鱗
星芒一丈燄月暈七重輪黎陽水稍渌官渡柳應春
無庸奉天睠驅傳牧南秦繁辭勞簡牘雜俗弊風塵
上洛逢都尉商山見逸民留滯終南下唯當一史臣

送衛王南征

望水初橫陣移營寇未降風塵馬足起先暗廣陵江
同盧記室從軍

河圖論陣氣金匱辨星文地中鳴鼓角天上下將軍

函犀恒七屬絡鐵本千群飛梯聊度絳合弩警陵汾
狂寇先中斷妖營即兩分連烽對嶺度嘶馬隔河聞
箭飛如疾雨城崩似壞雲英王於此戰何用武安君
侍從徐國公殿下軍行

八風占陣氣六甲候兵韜置府仍張幕麾軍即秉旄
長旗臨廣武烽火照城臯巡寒重挾纊酌水勝卑醪
陣後雲逾直兵深星轉高電燄驅龍馬山精鏤寶刀
塞迥翻榆葉關寒落鴈毛旣得從神武何須念久勞

傷往

見月長垂淚看花定斂眉從今一別後知作幾年悲

又

鏡塵言苦厚蟲絲定幾重還是臨牕月今秋迴照松

代人傷往七言

雜樹本唯金谷苑諸花舊滿洛陽城正是古來歌舞處今日看時無地行

又

青田松上二黃鶴相思樹下兩鴛鴦無事交渠更相失不及從來莫作雙

和王少保遙傷周處士

冥漠爾遊岱淒涼余向秦雖言異生死同是不歸人
昔余仕冠蓋值子避風塵望氣求真隱候關待逸民
忽聞泉石友芝桂不防身悵然張仲蔚悲哉鄭子真
三山猶有鶴五柳更逢春遂令從渭水投釣往江濱

送灵法師葬

龍泉今日掩石洞即時封玉匣摧談柄懸河落辨鋒
香爐猶是栢塵尾更成松郭門未十里山迴已數重
尚聞香閣梵猶聽竹林鐘送客風塵擁寒郊霜露濃

性靈如不滅神理定何從

六朝詩彙卷之一百五

六朝詩彙卷之一百六

周詩

庾信

示封中錄

貴館居金谷關局隔藁街異君見果顧郊間老景佳

其二

高階既激澗廣閣更交柯葛巾久乖角菊徑簡經過

問疾封中錄

形骸違學宦狹巷幸為閑虹迴或有雨雲合又含寒

橫湖韻鶴下迴溪狹狹還懷賢爲榮衛和緩疑是惠
綺紈

卧疾窮愁

危慮風霜積窮愁歲月侵留蛇常疾首映弩屢驚心
稚川求藥錄君平問卜林野老時相訪山僧或見尋
有菊翻無酒無弦則有琴詎知長抱膝獨爲梁父吟

夢入堂內

雕梁舊刻杏香壁本泥椒幔繩金麥穗簾鈎銀蒜條
畫眉千度拭梳頭百遍撩小衫裁褱臂纏絃指抱腰

日光釵燄動窓影鏡花搖歌曲風吹韻笙簧火炙調
即今須戲去誰復待明朝

蒙賜酒

金膏下帝臺玉曆在蓬萊仙人一遇飲分得兩三杯
忽聞桑葉落正值菊花開阮籍披衣進王戎含笑來
從今覓仙藥不假向瑤臺

奉報趙王賜酒

梁王脩竹園冠蓋風塵喧行人忽枉道直進桃花源
稚子還羞出驚妻倒閉門始聞傳上命定是賜中樽

野爐燃樹葉山杯捧竹根風池還更煖寒谷遂長暄
未知稻梁鴈何時能報恩

奉答賜酒

仙章

童一作

下赤城仙酒餉王平野人相就飲山鳥一

群驚細雪翻沙下寒風戰鼓鳴此時逢一醉應枯反
更榮

答王司空餉酒

今日小園中桃花數樹紅開君一壺酒細酌對春風
未能浮畢卓猶足舞王戎仙人一捧露判不及盃中

衛王贈桑落酒奉答

愁人坐狹斜喜得送流霞鼓

一作跋

窓催酒熟停盃待

菊花霜風亂飄葉寒水細澄沙高陽今日晚應有接

離斜

蒲州刺史中山公許乞酒一車未送

細柳望蒲臺長河始一迴秋桑幾過落春蟻未曾開
瑩角非難馭椎輪稍可催只言千日飲舊逐中山來

就蒲州使君乞酒

蕭瑟風聲慘蒼茫雲貌愁鳥寒栖不定池凝聚未流

蒲城桑葉落灞岸菊花秋願持河朔河朔一作北河飲分勸
東陵侯

對酒

數盃還已醉風雲不復知唯有龍吟笛桓伊能獨吹

又

春水望桃花春洲藉芳杜琴從綠珠借酒就文君取
牽馬向渭橋日曝山頭脯山簡接籬倒王戎如意舞
箏鳴金谷園笛韻平陽塢人生一百年歡笑唯三五
何處覓錢刀求為洛陽賈

有喜致醉

忽見庭生玉聊欣蚌出珠蘭芬猶載寢蓬箭始懸弧
既喜梅一作都尉能歡陵大夫頻朝中散客連日步
兵厨襍曲隨琴用殘花聽酒湏脆梨裁數實甘粗唯
一株兀然已復醉搖頭歌鳳雛

對宴齊使

歸軒下賓館送蓋出河堤酒正離盃促歌工別曲悽
林寒木皮厚沙迥鴈飛低故人倘有訪知予已執珪
伏聞遊獵

虞旗喜旦晴獵馬向山橫石關魚貫上山梁鴈翅行
雪平尋兔跡林藜聽雉聲馬嘶山谷響弓寒桑柘鳴
聞弦鳥自落望火戰空驚無風樹即正不凍水還平
誰知茂陵下願入睢陽城

冬狩行四韻應詔

三川羽檄馳六郡良家選觀兵細柳城校獵長楊苑
驚雉逐鷹飛騰猿看箭轉鳴笳河曲還猶憶江南反
一作南皮

和王內史從駕狩

冬狩出離宮還過獵武功澗橫偏碍馬山虛絕響弓
更羸承落鴈韓盧鬪螫熊猶開三面網誰背一作一
山重

見征客始還遇獵

貳師新受詔長平正凱歸猶言乘戰馬未得解戎衣
上林遇逐獵宜春暫合圍漢帝熊猶憤秦王雉更飛
故人迎借問念舊始依依河邊一片石不復肯支機

聽歌

協律新教罷河陽始學歸但令聞一曲餘聲三日飛

弄琴

雉飛催晚別鳥啼驚夜眠若交新曲變惟湏促一絃

又

不見石城樂惟聞鳥噪林新聲逐絃轉應得動春心

詠舞

洞房花燭明燕餘雙舞輕頊履隨踈節低鬟逐上聲
步轉行初進衫飄曲未成鸞迴鏡欲滿鶴顧市應傾
已曾天上學詎是地中生

看舞

鸞迴不假學鳳舉自相關到嫌衫袖廣怕長礙舉髮
看妓

長思浣紗石空想擣衣砧臨叩若有使爲說解琴心

詠鶴

九臯遙集三山迥歸華亭別唳洛浦仙飛不防離繳
先遭合圍籠摧月羽弋碎霜衣塞傳餘號關承舊名
南遊湘水東入遼城雲飛欲舞露落先鳴六翮摧折
九關嚴閉相顧哀鳴肝心斷絕松上長悲琴中永別
賦得集池鴈

逢風時適度逐侶乍爭飛猶憶方塘水今秋已復歸

詠園花

暫往春園傍聊過看菓行枝繁類金谷花雜映河陽
自紅無假染真白不須粧燕送歸菱井蜂銜上蜜房
非是金鑪氣何關栢殿香裛衣偏定好應持奉魏王

樹

交柯乍百頃擢本或千尋楓子留爲式桐孫待作琴
殘核移桃種空花植棗林幽居對蒙密蹊徑轉深沉

移樹

酒泉移赤柰河陽徙石榴雖言有千樹何處似封侯

詠梅花

常年臘月半已覺梅花闌不信今春晚俱來雪裏看
樹動懸冰落枝高出手寒早知覓不見真悔着衣單

桂

南中有八樹繁華無四時不識風霜苦安知零落期

賦得荷

秋衣行欲製風蓋漸應歆若有千年蔡瀆巢但見隨

奉梨

接枝秋轉脆含情

一作銷

落更香擎置仙人掌應添瑞

添瑞作

露漿

忽見檳榔

綠房千子熟紫穉百花開莫言行萬里曾經相識來

詠羽扇

搖風碎朝翻拂汗落毛衣定似回溪路將軍垂翅歸

詠鏡

玉匣聊開鏡輕灰暫拭塵光如一片水影照兩邊人
月生無有桂花開不逐春試挂淮南竹堪能見四隣

塵鏡

明鏡如明月恒常置匣中何須照兩鬢終是一秋蓬

題結綫袋子

交絲結龍鳳鏤彩織雲霞一寸全心鏤千年長命花

詠畫屏風二十二首

金鞍聚積岸玉舳泛中流畫鷁先防水媒龍即負舟
沙城疑海氣石岸似江樓崩槎時半沒壞舸或空浮
定是汾河上戈船聊試遊

其二

竟日坐春臺芙蓉承酒杯水流平澗下山花滿谷開
行雲數番過白鶴一雙來水影搖藜竹林香動落梅
直上山頭路羊腸能幾回

其三

浮橋翠蓋擁平旦雍門開石崇迎客至山濤載妓來
水紋恒獨轉風花直亂迴誰能惜紅袖寧用一作捧
金杯

其四

停車小苑外下渚一作長橋前澁菱迎擁楫平荷直

蓋船殘絲繞折藕芰葉映低蓮遙望芙蓉影只言水
底燃

其五

逍遙遊桂苑寂絕到桃源狹石分花逕長橋映水門
管聲驚百鳥人衣香一園定知歡未足橫琴坐樹根

其六

三春冠蓋聚八節管絃遊石險松橫植巖懸澗豎流
小橋飛斷岸高花出迥樓定須催十酒將來宴五侯

其七

高閣千尋起長廊四注連歌聲上扇月舞影入琴絃
澗水纔窓外山花即眼前但願長歡樂從今盡百年

其八

日晚金槌路朱軒流水車轆拂綠堤柳蕩飄夾路花
定迎劉碧玉將過陰麗華非是高陽路莫畏接離斜

其九

徘徊出桂苑徒倚就花林下橋先勸酒跂石始調琴
蒲低猶抱節竹短未空心絕愛猿聲近唯憐花逕深

其十

千尋木蘭館百尺芙蓉堂落日低蓮井行雲碍女梁
流水桃花色春洲杜若香就階猶不進催來上伎床

其十一

出沒看樓一作臺殿間關望綺羅翔禽逐節舞流水赴
絃歌細管吹藜竹新杯捲半荷南宮冠盖下日暮風
塵多

其十二

玉柙珠簾捲金鈎翠幔懸荷香薰水殿閣影入池蓮
平沙臨浦口高柳對樓前上橋還倚望遙看採菱船

其十三

高閣千尋跨重簷百丈齊雲度三分近花飛一倍低
吹簫吟一作迎白鶴照鏡舞山鷄何勞愁日暮未有夜
烏啼

其十四

河流直淺岸斂轡暫經過弓衣濕濺水馬足亂橫波
半城斜出樹長林直枕河今朝遊俠客不畏風塵多
其十五

度橋猶徙倚坐石未傾壺淺草開長埒行營繞細厨

沙洲兩鶴迴石路一松孤自可尋丹竈何勞憶酒壚

其十六

上林春徑密浮橋柳路長龍媒逐細草鶴髦映垂楊
水似桃花色山如甲煎香白石春泉上誰能待月光

其十七

白石春泉滿黃金新埒開戚里車先度蘭池馬即來
落花承舞席春衫拭酒杯行厨半路待載妓一雙迴

其十八

將軍息邊務校尉罷從戎池臺臨戚里弦管入新豐

六朝詩彙卷之百六
浮雲隨走馬明月逐鸞方比來多射獵唯在上林中

其十九

三危上鳳翼九坂度龍鱗路高山裡樹雲低馬上人
懸巖泉溜響深谷鳥聲春住馬來相問應知有姓秦

其二十

聊開鬱金屋暫對芙蓉池水光連岸動花風合樹吹
春杯猶雜泛細菓尚連枝不畏歌聲盡先看箏柱歌

其二十一

洞靈開靜室雲氣滿山齋古松栽數樹盤根無半埋

愛靜魚爭樂依人鳥入懷仲春徵士集蒲輪上計偕

其二十二

今朝好風日園苑足芳菲樹動蟬爭散蓮搖魚暫飛
面紅新洒酒風晚細吹衣跂石多時望蓮船始復歸

六朝詩彙卷之一百六

大德...

...

...

...

...

...

...

...

...

...





